

彊邛叢書



瓢泉詞目錄

浣溪沙

菩薩蠻

太常引

月中行

南柯子

糖多令

蝶戀花

千秋歲

洞仙歌

魚遊春水

掃花遊

慶宮春

滿江紅

滿庭芳

漢宮春

八聲甘州

天香

聲聲慢

東風第一枝

桂枝香

木蘭花慢二

齊天樂二

畫錦堂

渡江雲

念奴嬌二

水龍吟

喜遷鶯

宴清都

一萼紅

大聖樂

過秦樓

賀新郎二

哨徧

瓢泉詞

長興 朱晞顏 景淵

浣溪沙 謝張魯瞻惠紙筆和來韻

湘管娟娟弱鳳翎
霜毛楚楚醉猩英
就中心早可人情
漸老江淹無好夢
輸他年少意縱橫
只堪閒寫換鵝經

菩薩蠻 烏洋觀魚

鯤鵬已向天池徙
滂潏凡曹爭尺水
莫信鼓風雷俱堪
作鱸材
輕舠風送捷觸網
黃金裂誰謂我非魚
我知魚不如

太常引 送樂清宗晦山長陳輔賢

青衫結髮聚秋螢
三館早蜚英
出爲主宗盟
總祖述吾

家考亭 相逢臺下臥看秋雁一笑暮潮平驛路柳青
青問底事春風世情

月中行 追補秦軒錄事母夫人壽

廣寒折得桂枝回 嫫母惜多才 九重春色錦江來 齊勸
九霞杯 玉堂有客移宮羽 歌詞麗總是詩材 我慙弱
水隔蓬萊幾許碧桃開

南柯子 龍門汲雪

遠脈通蛟穴 清泠瀉翠苔 甌鑪相對竹房開 容我龍頭
紗帽白雲堆 碧沚中瀾雪 金沙二月雷 併罌千里走
黃埃 嗟爾蒼生億萬墮顛崖

糖多令 中秋

涼影下青鸞。晴空瀉素盤。漾玉壺千頃多寬。老桂散香
風露淨。霜兔瑩骨毛寒。老子倚欄干。不辭終夜看。有
誰人共此清歡。爲問姮娥。今與古能幾見。正端端。
蝶戀花

挺挺雙清。臨淨練。羽佩飛來頗覺遊情倦。癩髓新痕開
半面前。時一似湘皋見。流水回雲春不豔。怕有生香
引得蜂兒健。淨几明窗斜日轉。如今不許幽蘭占。

千秋歲壽王推官母九十一是日小寒節

嫩冰池沼澤國寒。初峭梅乍坼。春纔早。朱門歌管。蠶繡
閣沈煙。嬾歡宴處。神仙一夜離蓬島。九十過頭了。百
歲看看到。須聽取。千年調。人誇嫫母妍。我覺彭篴少。強

健在看兒歷徧中書考

洞仙歌慶張閭總管母八十

人生八十是世閒中壽七十由來古稀有況君侯已樹
開國殊勲曾異數周魯瞻前拜後玉麟分上瑞千里
傳歡鸞誥金花爛晴晝象服照青春□□□秋香薦
北堂后酒問阿母西池底時來試爲數蟠桃幾番開否
魚遊春水壽徐仁靜其壻樂魯常

蘭室餘香蘊射雀屏深清晝永紅旌微動簾展浪花移
暝重碧先拈翡翠杯戲綵低窄鴛鴦錦人在蕊宮春生
蓬境盡說而翁少穎記得遺環故時并而今猶自風
流朱顏綠鬢百年應惜銅仙在九里爭傳清河潤山兮

壽兮以仁能靜

掃花遊送人

津亭柳色正舞翠毵毵亂侵歌袖驪駒送酒競東門祖
席賓僚勳舊白髮青衫愁絕風流去後黯回首但夢繞
藩垣簾影清晝遺愛曾未久聞里役均輪力排豪右
喧傳萬口道調元贊化是經綸手鼎鉉虛賢分內功名
信有事非偶看金甌姓名還又

慶宮春送袁仲野歸紹興

彩筆傳歌青衫提劍幕中誰似風流使檄聯芳賓筵接
武後塵每繼清遊曉雲春夢試回首星霜再周仙曹書
滿薦剡交推一鶚橫秋扁舟乍可夷猶一鏡平湖數

點輕鷗醉客疏狂騷翁豪放二公同是朋儔仕而猶隱
料出處胸中已籌故山雖好未許歸來一賦休休

滿江紅壽推官焦元播慶六十

鳳鶴翩跹記昨夢天錫九齡從頭數再周甲子屈指天
星上界仙人足官府人閒歲月自崢嶸慶明時生甫又
生申維嶽靈珠盈掌金滿籬浮瑞鸞轉春鶯是乃翁
陰德心事分明筆下萬言多活國胸中三尺久持衡慰
來蘇爲雨福蒼生騰頌聲

前調

彈鋏歸來更誰歎有魚無肉念良夜向闌相對舊歡難
續一夕乍寒秋枕夢十年重翦西窗燭算人生得意待

何時蕉隍鹿樽有酒妻堪熟書插架兒能讀傍虛檐
翠雲低亞萬竿如束數點蒼山遙入戶半篙春水斜穿
屋便門前車馬寂無人從教俗

滿庭芳和趙仲敬詠雪

翦水飛花裁冰作絮龍宮不管嚴寒斜侵風帽吟鬢忽
衰殘誰念梁園倦客黃金盡作賦才慳飄流久寒欺敝
褐猶事馬蹄閒兒時曾縱獵呼鷹野外落雁雲端猛
呼酒霜韝溼徧紅鴛倚馬酣歌秦妓紫貂暖不上裘船
今遲暮翩翩孤劍寂寞度桑乾

前調

寒壓衾裯光搖書幌夜深香夢初殘細聽窗戶簌簌響

春蠶風勁時時墮砌分明認山溜潺湲呼童起疏梅耐
冷修竹報平安曉來擁被看閒庭舞鶴古瓦迷鸞待
戲挽銀河飛步天壇祇恐瓊樓玉宇最高處無限清寒
憑君問九關虎豹香案五雲閒

前調

榾柮鑪寒梅花帳矮篝鐙愁坐更殘欲眠還起身已怯
吳蠶夜靜珊珊入竹依稀聽石上清溪遙知道東皇賦
瑞和氣滿長安明廷多俊彥清班振鷺健筆翔鸞笑
兒女才卑空占吟壇奇絕鄒枚賦詠王蜍冷宮袖呵寒
君知否玉堂清禁終不似人間

漢宮春賦呂子敬梅齋月

梅與月兮問雪香秋影幾度黃昏相逢驚詫浣盡京洛
緇塵空山耿耿鎮無言色笑相親應頓悟風前笛裏三
生石上精魂一自心盟重訂便神交契台隨寓吾真
蕭然水邊林下□□□□□□□□□□炯清輝冠玉風神
應酷似家傳清白□□□□正獻前身

八聲甘州題西山爽氣樓

向青泥坊底午橋邊新買屋三閒有嘉蔬半席修篁數
箇分占寬閒著取層梯直上欄楯出高寒不見終南徑
惟有西山門外紅塵似海待抽口手板同擬君看對
熏鑪茗椀捫蝨縱雄談笑當年多情王粲賦終非吾土
淚空彈任俗子臥之樓下那許躋攀

天香壽桂金堂竹泉總管

碧玉橫陳黃金細屑天然畫堂風景古月浮香冷風度
曲不許一塵侵近沈沈永夜漾水色窗軒秋淨如識巖
前氣韻端知歲寒心性 繇華漫誇紅紫口顏色直宜
相並縱有交承梅菊也應推遜自是蟾宮仙種儘口得
嬋娟口清影爲乞姮娥雲階驚嶺

聲聲慢

賦柑花

灑灑微露熏骨濃芳清暑絕點珠璣不夢風寒繇豔自
有冰肌儘任蠻煙瘴雨向炎州偷煥朱衣情緣短絕無
芳夢飛度江阿 猶託傳來纖手藹香名三日賞徧吳
姬縱使馨兒妖麗誰與心期傷情墜樓恩重忍塵沙玉

瘞珠遺餘韻在返清魂環佩夜歸

東風第一枝送人

曉渡呼雲秋山訪雁吟情先趁香夢暖風輕約行塵草
色一川翠湧元戎小隊隘紫陌簪纓光動看碧油沙際
陳兵玉勒柳邊飛鞚陪密幄折衝需用贊上幕典型
增重發硎初試牛刀儲才正須藥籠清時異數有天外
好風吹送想驛亭籌筆風流應憶翦鐙曾共

桂枝香壽馬宣差詠桂

何年月地有白鳳飛來與秋遊戲碎屑黃金馥馥暗熏
沈水如來粟界開全未直著得許多清氣飽諳風露自
應韻色獨高人世更不羨犀帷富貴羨驚峰前度秀

分雲外彈壓西風誰數錦英華麗幽芳素抱巖棲志笑
當時滿門桃李等閒乞取長生妙訣廣寒宮裏

木蘭花慢送陳國材都目

拂溪藤香潤緘翠墨寄深情憶月滿簫臺春回炎海驛
騎宵征相思頓成春夢恰方州接武敘前盟媿我弓刀
分倅多君案牘勞形佳聲賓佐喜逢迎曹局賴經營
更樽俎談諧風襟清曠逸思縱橫正好相依晚歲口歡
傳梅菊已交承粗喜分攜不遠春來把酒江城

前調陳伯永竹院有魏鶴山題扁名公留題

信吟筇到處儘可款箇人家見碧螯橫陳粉牆低亞亂
鎖煙霞森森萬竿如束倚虛檐風影自交加一點塵無

几硯十分清到窗紗 堪嘉玉立瘦穿沙池色淨無瑕
向良夜移牀靜臨書帙閒試茶瓜明月清風仍好但秦
宮梁苑徧棲鴉零落殘香秀墨春衣拂徧苔花

齊天樂

薊門寒食

青煙一夜傳宮燭朝來管絃都試寶扇傳歌銀瓶索酒
柳下驕驄曾繫憐紅嫵翠任栲栳量珠伴春俱醉不道
無情花殘春老頓容易 人生幾何適意甚前時風度
今番情味楚褐凝塵濤牋封淚愁在斷鴻聲裏情絲恨
綺儘付與風檐燕兒論理不似流紅解隨東去水

前調與周可竹會飲和韻

浦潮迎送朝還暮恩恩燕來鴻去北牖分茶西窗翦燭

離合人生由數狂朋怪侶記籌酒句吟幾回凝竚絮影
蘋香夢中猶是少年路詞華今度尙在奈相如漸老
無計重賦露底冰絃梅邊玉塵留得風襟如故情高萬
古想脫劍呼樽氣吞寰宇不管春山子規啼夜苦

畫錦堂

壽孔竹所

朱戶黏雞釵釵簇燕恰頒三日王春記得當年佳夢始
絨祥麟杜陵天近衣冠盛謝庭春暖蕙蘭馨人爭羨青
鬢未饒恩袍草色光凝佳音須側耳聽報取日下蜚
聲繭紙塗鴉天上寶墨猶新蟄雷先奮三冬暖便風終
快九霄鵬君須念早晚小儒終期一報平津
渡江雲題鄭天趣三湘集